


**PENGAWA  
PETARA  
DIPEJALAI  
NGENA  
PENGERINDU**



*“Laban aku nulis ngagai kita  
enggau ati ti balat tusah  
sereta bekeberai ai mata,  
ukai deka ngenusahka ati  
kita, tang ngambika kita  
nemu pemesai pengerindu  
aku ke kita.”*

*(2 Korint 2:4, Bup Kudus)*





**Lebuh kitai mansik enggau dalam agi pasal surat Paul ti kedua ngagai orang Korint, kitai beratika rasul nya amat beminat enggau pengelantang gerija.**

**Taja pan enda kala senang nitihka jalai Petara ba dunya ti penuh enggau dosa tu, tang ba abad keterubah madahka diri orang Kristian ulih mai penusah ti besai.**

**Paul nyediaka chara kena eklisia napi penusah tu, ari dalam tauka ari luar, lalu ngajar sida ngaga siti tubuh ti beserakup dalam pengerindu ti enda berundingka diri empu. Ari jaku lalau tu kitai ulih belajar saritu nyadi “bau pengidup ti mai ngagai pengidup” (2 Kor. 2:16).**



**Pengelantang ari Petara lebuh penusah**



**Pengudus enggau pengelurus ati dalam pengawa nginjil .**



**Beperangai manah serta pintar**



**Nemu ngampun serta ngemanahka**



**Bau wangi kristus**

# PENGELANTANG ARI PETARA LEBUH MERINSA

“ke merindang kami lebu kami dituntung semua macham penusah, ngambika kami ulih merindang orang bukai ke dituntung penusah, ngena tulung ti udah dikena Allah Taala merindang kami..” (2 Corinthians 1:4)

Surat Korint Kedua nya surat ti endur Paul bejaku enggau pemadu mayuh pasal pengelantang. Gerija benung nengah maya ti tusah, lalu surat Paul ti dulu ari nya udah mantaika sida dalam gaya ti tusah ati.

Tang penusah ati nya “nitihka Allah Taala,” ngujungka nesal ati (2 Kor. 7:10). Nya alai Paul enggaika penusah ati nya ngalahka sida, tang deka sida diperansang.

Iya empu udah nengah maya ti endur nyawa iya empu udah napi risiko lalu iya udah lemi semangat (2 Kor. 1:8-10). Tang Allah Taala ngelantangka ati iya, lalu diatu iya ngerembaika pengelantang nya ngagai eklisia (2 Kor. 1:6).

## PENGELANTANG ARI PETARA .

- ➔ Iya ngelepaska kitai ari penakut
- ➔ Iya ngingatka kitai pasal maya iya nulung kitai .
- ➔ Iya nulung kitai tan napi pemerinsa .
- ➔ Iya mai kitai ngagai pemansang rohani.
- ➔ Iya meransang kitai nyadi pengarika orang bukai .
- ➔ Kitai merindang pangan diri baka kitai ti udah diperindang Tuhan .



# PENGUDUS ENGGAU PEMENDAR DALAM PENERINDU .

“Tu meh utai ti dikemegahka kami: Pengasai ati kami madahka kami udah idup enggau ati ti lurus sereta betul ati di dunya tu, kelebih agi dalam kaul kami enggau kita. Kami udah ngereja nya, ukai bepanggai ba penemu-dalam dunya, tang bepanggai ba pengasih Allah Taala” (2 Korint 1:12 NIV )

Bisi orang ngemaruhka Paul, nuduh iya lemi sereta enda ulih ngaga pemutus (2 Kor. 10:10). Ketegal tu, ngambika jaku lalau iya diterima, bala rasul patut enggau naka ulih nyakal jaku tuduh ti baka nya.


Ngasaika dirinya mensia, iya ngumbai diri enda beguna (Eps. 3:8). Tang, ulih pengasih Allah Taala, iya ulih temegah ati ngembuan ati ti beresi (2 Kor. 1:12).



Ketegal tu, utai ti ditulis Paul nadai tuju ti dipelalai. Iya ngarapka surat-surat tu dibacha sereta diperetika dalam konteks pengudus enggau pengelurus nya—iya nya, ditulis ketegal penerindu ke sida lalu semina ngiga pemaik sida aja (2 Kor. 1:13-14).



Iya enggau bala kaban tau bejaku tentang pamanah ulah diri ti kudus sereta lurus (tuchi), dalam gerija tauka di luar gerija.



# MANAH PERANGAI SERTA PINTAR

"Aku ngangauka Allah Taala nyadika saksi aku—lalu aku meri nyawa aku ketegal nya—aku enda pulai ngagai Korint ketegal deka ngelepaska kita" (2 Korint 1:23)

Dalam surat iya ti keterubah, Paul madahka ngagai orang Korint pasal jalai ti deka ditengah iya (1 Kor. 16:5-11):


Ephesus → Macedonia → Corinth → Judea

Dalam surat ke nangkan nya ti udah Lenyau, 2 Kor. 7:8, iya madahka diri deka nemuai ngagai sida dua kali (2 Kor. 1:15-16):

Ephesus → Corinth → Macedonia → Corinth → Judea

Taja pia, iya udah ngubah perambu iya lalu mutuska runding enda ngaga penemuai keterubah nya (2 Kor. 1:23). Ubah tu ngujungka sekeda orang mantah iya ketegal enda entap sereta enda tentu tegap. Nama kebuah iya udah ngubah runding iya?

Penatai Paul di Korint baka ti beguna ketegal penanggul ti bisi dia. Tang penyakal ti deka ditapi iya mai reti belaban ti deka diseliahka iya, ketegal pengerindu ti besai ti dikembuan iya ke sida (2 Kor. 2:1-4).



# PENGAMPUN SERTA BEBAIK.

**"Barang sapa diampun kita, aku mega ngampun, lalu utai ti udah diampun aku, enti bisi utai ti patut diampun, aku udah ngampun di mua Kristus ketegal kita" (2 Korint 2:10)**

**Lebuh Paul benung di rantau jalai ngagai Troas, Titus mansang ngagai Korint ari Troas, Paul mansang ngagai menua Masedonia. Tang iya balat tusah ati laban Titus nadai betemu enggau iya di Troas meri iya berita pasal eklisia di Korint (2 Kor. 2:12-13).**

**Enda lama udah nya, pengujung iya Titus betemu enggau Paul di Masedonia. Iya madahka ngagai iya baka ni eklisia udah nerima jaku tangkan rasul nya enggau manah bendar (2 Kor. 7:5-9, 13-16).**



**Siti ari isu ti patut diputarka sida bekaul enggau disiplin gerija. Ngasika rasul nya, piak ti ngereja penyalah nya udah ditegah, lalu sida udah nerima jaku teguran nya. Diatu, Paul minta sida ngambi singkang ti nangkanka nya: pengampun enggau bebaik (2 Kor. 2:5-11).**

# BAU RENGGUT KRISTUS .

"Laban ba Allah Taala kami tu bau rengut Kristus ba bala orang ke diselamatkan enggau ba bala orang ke deka lenyau"  
(2 Korint 2:15)



Lebuh iya meri komen pasal baka ni Allah Taala "muka pintu" ngambika Berita Manah ulih ditusui enggau mujur di Troas, Paul lalu nyerauh muji sereta menang: "Tang terima kasih ngagai Allah Taala, ti seruran mai kitai nyadi orang tangkap dalam pejalai pemenang Kristus, lalu ngena kitai ngerembaika bau penemu pasal Iya di semua endur" (Kor :24w).

Baka bau rengut ti betali tali, penemu pasal Kristus datai ba genap iku semangat. Ba orang Korint, baka ba kami, bau tu meri pengidup ti meruan belama iya. Tang, ba orang ti nulak kangau nya, nya bau pemat (2 Kor. 2:15-16).



Betumpu ngagai tanggung pengawa ti dipegai tu, Paul nerangka pesan nya mesti diberi enggau ati ti lurus, nadai ngiga penguntung ke diri empu, tang pengelepas orang ti ninga (2 Kor. 2:17).



**“Pengawa ti tetap ati tu mai berita ti ngasuh ati gaga madahka ubah ti manah udah nyadi ba bala orang ti arap di Korint. Mayuh udah nerima ajar ti bisi dalam surat Paul lalu udah nesal ati ke dosa sida. Pengidup sida ukai agi nyadika jaku petenah ngagai pengarap Kristian, tang meri pengiring ti bekuasa ti nyukung penesal ati ti amai nyata. ari pengasih Petara ba ati deka mai ngagai pengakun enggau ninggalka dosa Baka nya meh buah ti dipadahka rasul udah dipeda dalam pengidup orang ti arap di Korint.**